

Pisortat oqartussaaffigisaanni suliffeqarfinilu nioqputissanik kiffartuussinernillu pisiniarnermut tunngatillugu neqerooruteqartitsisarneq pillugu Inatsisartut inatsisaat

Kapitali 1

Tunngaviit tamanut atuuttut aamma atuuffa il.il.

§ 1. Inatsisartut inatsisaatigut siunertaasoq tassaavoq pisortat pisiniartarneranni periaatsit aalajangersaassallugit taamaaliornikkullu pisortat aningaasaataasa atorluarneqarnerpaanissaat anguniarlugu unammilleqatigiinneq pitsaanerusoq anguniassallugu.

Imm. 2. Pisortat neqeroorutitsisarneri ima aaqqissuunneqartassanngillat Inatsisartut inatsisaata matuma atuuffi mattunneqartussanngorlugit imaluunniit unammilleqatigiinneq killerneqartussanngorlugu.

§ 2. Inatsisartut inatsisaat una 500.000 kr-nik taakkuluunniit sinnerlugit nalilinnik pisortani oqartussanit imaluunniit suliffeqarfinnit allanit nioqputissanik kiffartuussinernillu pisiniarnermut atuuppoq, § 3-p malitsigisaanik inatsimmi matumani pineqanngitsut ilanngunnagit, taamaattorli imm. 2 aamma 3 takuuk.

Imm. 2. Inatsisartut inatsisaat napparsimavimmi atortunut, atortunullu taakkununga attuumassuteqartunut 2.500.000 kr-inik sinnerlugilluunniit nalilinnut atuuppoq.

Imm. 3. Illuliornermi sanaartornermilu suliani 2.500.000 kr-nik imaluunniit sinnerlugit nalilinnik teknikkip tungaatigut ikiorsiinnermut Inatsisartut inatsisaat atuuppoq.

Imm. 4. Inatsisartut inatsisaat aamma atuuppoq pisortat pisiniarnerini, neqerooruteqartup nalunaarutigippagu pisiniarneq neqeroorutigineqartoq § 12, imm. 1-imi arlaat 1-ini atorpeqarsimappat neqeroorutaasuni taaneqartuni.

Imm. 5. Imerk, innaallagissamik, kiassarnermillu pisortat pilersuineranni, assartuinermi kiisalu allakkerinermi nalunaarasuarternermilu inatsit naapertorlugu kisermaassinissamik pinnaatitaaffeqarfusuni suliassanut Inatsisartut inatsisaat atuutinnngilaq.

§ 3. Inatsisartut inatsisaanni malittarisassiani makku ilaangillat:

- 1) Illulioortiternernik sanaartornermillu suliassat.
- 2) Inatsisilerinikkut aamma kukkunersuisarnikkut siunnersorneqarneq ikiorneqarnerlu.
- 3) Pisortani oqartussanit imaluunniit suliffeqarfinnit allanit pisiniarnerit.

- 4) EU-mi inatsisilerinermi neqeroortitsinermut malittarisassiat najoqqutarylugit nunami EU-mi ilaasortaasumi pisortat peqatigalugit ataatsimoorullugit pisiniarnerit.
- 5) Tapiissutitigut pisinnaatitaalluni suliaasamik kiap isumaginnittuussaneranik aningaasanut inatsimmi aalajangersagaasutut suliaasat.
- 6) Isumaqatigiissutit nr. 1-imit 5-imut naapertorlugit ilaangitsutut oqaatigineqanngitsut, inuiaqatigiit soqutigisaannik pingaartunik illersuinissaq sakkukinnerusumik akuliunnikkut isumannaarneqarsinnaanngikkaangata.

Kapitali 2

Nassuiaatit

§ 4. Nassuiaatit tulluuttut Inatsisartut inatsisaanni atorineqarput.

Imm. 2. Inatsisartut inatsisaanni matumani "pisiniarneq" nioqqutissanik imaluunniit kiffartuussinernik pisiniarnertut paasineqassaaq, ilanngullugu nioqqutissanik imaluunniit kiffartuussinernik pisiniarneq pillugu toqqammavissatut isumaqatigiissutinik atsiugaqarnertut aamma paasineqassalluni.

Imm. 3. Inatsisartut inatsisaanni matumani "neqerooruteqartitsineq" nioqqutissanik kiffartuussinernilluunniit pisiniarnissaq siunertaralugu neqerooruteqartitsinermik ingerlatsisoqassanertut paasineqassaaq, ilanngullugu nioqqutissanik kiffartuussinernilluunniit pisiniarnissaq pillugu toqqammavissatut isumaqatigiissutinik atsiugaqarnertut.

Imm. 4. Inatsisartut inatsisaanni matumani "neqerooruteqartitsinerup ingerlannissaa" neqerooruteqartitsinermik nalunaarummik tamanut saqqummiussinermi, tak. § 23, imm. 1, suliaasannqortitsinermik aalajangiinerup neqerooruteqartunut nalunaarutigineqarneranut, tak. § 28, imm. 1, imaluunniit neqerooruteqartitsinerup atortussaajunnaarsinneqarneranut, tak. § 29, paasineqassaaq. Siumut nalunaarutigeqqaarnagu neqerooruteqartitsinermik isumaqatigiinniarnertalimmi neqerooruteqartitsinerup ingerlannissaa aallartinneqassaaq neqerooruteqartitsinermut atortussat neqerooruteqarnissamut piukkunnaatilinnut tunniunneqarpata, tak. § 16, imm. 5.

Imm. 5. Inatsisartut inatsisaanni matumani "pisiniartoq" pisortani oqartussaasuni immikkoortortaqaarfik imaluunniit suliffeqarfik neqerooruteqartitsisuuneratut paasineqassaaq.

Imm. 6. Inatsisartut inatsisaanni matumani "neqeroorutit akuerineqarsinnaanngitsut" neqeroorutit imatut paasineqassapput:

- 1) kingusinaartumik tiguneqarsimasut,
- 2) neqerooruteqarnissamut atortussani piumasaqaatinik naammassinninngitsut,
- 3) neqerooruteqartunit naleqquttuunissamik piumasaqaatinik naammassinninngitsunit tunniunneqarsimasut,
- 4) nalinginnaanngitsumik appasissut, imaluunniit
- 5) Akimikkut pisiniartup naatsorsuutigisaanit imaluunniit pisiniartup missingersuutissatut aalajangersagaanit qaffasinnerusut.

Imm. 7. Inatsisartut inatsisaanni matumani "piukkunnartorsiuneq pillugu qinnuteqarnerit akuerineqarsinnaanngitsut" imatut paasineqassapput qinnuteqarnerit:

- 1) kingusinaartumik tiguneqarsimasut,
- 2) peqataasinnaatitaasussaanninnermut tunngavissat pillugit uppersaasinnaanermut piumasaqaatinik naammassinniffuunngitsut, imaluunniit

3) ator neqarsinnaanermik uppersaasiinissamut piumasaqaatinik naammassinninngitsut.

Kapitali 3

Pisiniarnissap nalinganik naatsorsuineq

§ 5. Pisiniarnissami § 2, imm. 1, § 15, imm. 4, nr. 5 aamma § 16, imm. 2, nr. 5-imi qanoq naleqarnissaanut killiliussat qaangerneqarsimanerannik naliliiniarnermi pisiniartup qaammatit tulluuttut 12-it ingerlaneranni sullissinissamik pineqartumik ataatsimut pisiassamisut naatsorsuutigisaasa nalingat tunngavigineqassaaq.

Imm. 2. Piffissaq isumaqatigiissuteqarfiusussatut kissaatigineqartoq, salliutinneqarnissat ilanngullugit, qaammatinit 12-init sivisuneruppat, piseqqaartussaanerit ilanngullugit sullissinissap pineqartup piffissami isumaqatigiissuteqarfiusumi tamarmi nalingi tamarmiusut tunngavigineqassapput.

Imm. 3. Pisiniartut arlallit ataatsimoorlutik pisiniarpata naliliineq imm. 1-imi taaneqartoq pisiniartuni peqataasuni tamani sullissinerit ataatsimut nalingat aallaavigalugu pissaaq.

Imm. 4. Kiffartuussinernik pisiniarnernut atatillugu nioqqutissanik pisinerit imaluunniit nioqqutissanut pisinernut atatillugu kiffartuussinernik pisiniarnerit imm. 1-imi naliliinernik taaneqartumi, nioqqutissat kiffartuussinerillu pisiniarnerit naatsorsuutigineqartut ataatsimoortillugit nalingi tunngavigalugit naliliisoqassaaq.

Kapitali 4

Ammasumik suleriaaseqarneq, assigiisitsineq aamma naleqqersuussineq

§ 6. Neqerooruteqartitsineq sapinngisamik ammanerpaamik pisussanngorlugu aammalu neqerooruteqarunnartut neqerooruteqartulluunniit assigiimmik pineqartussanngorlugit pisinissamik nalunaaruteqartup neqeroorutitsinerit aaqqissuutissavai.

§ 7. Neqerooruteqartitsinermi piumasaqaatigineqartut toqqammavigineqartullu sullissinnernut neqerooruteqartitsinermi pineqartunut naapertuuttussanngorlugit neqerooruteqartitsinerit tamaasa pisiniartup aaqqissuutissavai.

§ 8. Neqeroorutip atuutilersinnerata aallartereerneratigut neqeroortitsinermi piumasaqaatini aamma atortuni tunngaviusutut ilaasut allat pisinissamik nalunaaruteqartup allanngortissinnaanngilai.

Imm. 2. Pisinissamik nalunaaruteqartoq tunngaviusutut ilaasunik allannguissappat pisinissamik nalunaaruteqartup neqeroorutit ingerlanneqartut atorunnaarsissavai, tak. § 29, aamma nutaamik neqerooruteqassalluni.

Isertuussineq

§ 9. Neqerooruteqartitsinermi pisinissamik nalunaaruteqartup paasissutissiissutigisaasa isertuunneqarnissat pisinissamik nalunaaruteqartup qinnuteqaateqartunut neqerooruteqartunulluunniit peqqussutigisinnavaa.

Imm. 2. Inatsisartut inatsisaanni imaluunniit inatsisini allani allatut allassimasoqanngippat, neqeroortitsinermit paasissutissat isertuussat qinnuteqaateqartup neqerooruteqartulluunniit neqeroortitsinermit ingerlassamut atatillugu nassiussimasai pisinissamik nalunaaruteqartup tunniutissanngilai.

Kapitali 5

Niuernissaq pillugu siumoortumik oqaloqatigiittarneq, siunnersuisarneq il. il.

§ 10. Pisinissamik nalunaaruteqartoq neqerooruteqartitsineq sioqqullugu niueqatissanik oqaloqatiginissinnaatitaavoq, aamma neqerooruteqartitsinermit atortussat imarisaat pillugit.

Imm. 2. Pisinissamik nalunaaruteqartoq niuerneq pillugu siumoortumik oqaloqateqassappat aalajangersagaq malillugu oqaloqatigiinnissap imassaa pisinissamik nalunaaruteqartup uppersaasarsinnaasariaqarpaa.

§ 11. Niueqatissanik oqaloqateqarnermut atatillugu pisinissamik nalunaaruteqartoq suliffeqarfimmiit siunnersorneqarsimappat allatigulluunniit siunnersorneqarsimappat imaluunniit suliffeqarfimmit allatigut siunnersorneqarsimappat suliffeqarfup taassuma neqeroorutitsinermit peqataaneratigut naligiinngitsumik unammilleqatigiittoqalernissaa pinaveersaarniarlugu pisinissamik nalunaaruteqartoq naleqquttunik iliuuseqassaaq.

Imm. 2. Pisinissamik nalunaaruteqartup minnerpaamik:

- 1) qulakkiissavaa paasissutissat naleqquttut suliffeqarfik peqatigalugu eqqartorneqarsimasut neqerooruteqartitsinermit atortunut ilaatinneqassasut, aamma
- 2) piffissaliussat eqqarsaatigalugit suliffeqarfup allanut sanilliulluni annerusumik iluaqutigeratarsinnaasai nalimmassarneqartussanngorlugit neqerooruteqartitsinermit piffissaliussat aalajangersassavait.

Imm. 3. Imm. 1 aamma imm. 2 naapertorlugit pisinissamik nalunaaruteqartup iliuuserisai unammillernermik annertuumik eqqutitsisinnaanerata pinngitsoortinnissanut naammangippata suliffeqarfik pineqartoq neqeroortitsinermit pisinissamik nalunaaruteqartup peqataatissanngilaa.

Imm. 4. Suliffeqarfik imm. 3 naapertorlugu peqataasinnaajunnaarsinneqartinnani peqataanermigut unammilleqatigiinnermik equtitsinnginnerminik uppersaasarnissamut periarfissinneqassaaq.

Kapitali 6

Neqerooruteqartitsinerit ingerlanneri

Neqerooruteqartitseriaatsit

§ 12. Pisiniarnerit Inatsisartut inatsisaanut matumunnga ilaasut neqerooruteqartitseriaatsit uku arlaat atorlugit neqeroorutigineqassapput:

- 1) Tamanut ammasumik neqerooruteqartitsineq, tak. § 13.
- 2) Killeqartumik neqerooruteqartitsineq, tak. § 14.
- 3) Siumoortumik nalunaaruteqarluni isumaqatigiinniarnertalimmik neqerooruteqartitsineq pillugu nalunaarut, tak. § 15.

4) Siumoortumik nalunaaruteqarnani isumaqatigiinniarnertalimmik neqerooruteqartitsineq pillugu nalunaarut, tak. § 16.

Imm. 2. Tamanut ammasumik neqerooruteqartitsineq imaluunniit killeqartumik neqerooruteqartitsineq tamatigut atorineqartassapput. Neqerooruteqartitsinerit isumaqatigiinniarnertallit taamaallaat atorineqarsinnaapput § 15, imm. 4-mi imaluunniit § 16, imm. 2-mi piumasaqaatit naammassineqarsimappata.

Tamanut ammasumik neqerooruteqartitsineq

§ 13. Tamanut ammasumik neqerooruteqartitsinermit kinaluunniit neqerooruteqarnissamut periarfissaqarpoq.

Imm. 2. Neqerooruteqartitsinissamik nalunaarummi minnerpaamik makku saqqummiunneqassapput:

1) Sullissinerup neqeroorutigineqartup naatsumik allaaserinera, piseqqaartussaataitanerusinnaasut ilanngullugit.

2) Neqerooruteqartitseriaatsit, tak. § 12, imm. 1.

3) Pisisussatut nalunaaruteqartup attaviginissanut paasissutissat.

4) Tunniussinissamut najoqqutassaq, tak. § 17, imm. 1.

5) Neqerooruteqartitsinissamut piffissaliussaq, tak. § 26.

6) Neqerooruteqartitsinissamut piumasaqaatit neqerooruteqartitsinermilu atortut allat pillugit paasissutissat qanoq ilillugit pissarsiarineqassasut paasissutissiissutigineqassaaq.

Imm. 3. Neqerooruteqartitsinermit piumasaqaatini minnerpaamik, neqerooruteqartitsinermik nalunaarummit takuneqarsinnaanngippata, makku ilaatinneqassapput:

1) Tunniussinissamut piumasaqaatit pingaannginnerusinnaasut aamma taakkuninnga neqerooruteqartut akunnerminni oqimaqatigiissaarnerat, tak. § 17, imm. 4-6.

2) Peqataatitsinnginnermut pissutaasut, tak. §§ 18-19.

3) Naleqquttuunermut piumasaqaatit minnerpaaffii, tak. § 20, tassunga ilanngullugit uppersaanissamut piumasaqaatit.

4) Immikkuualuttortalersuinissamut piumasaqaatit periaatsitigut immikkuualuttortalersuutaasinnaasut ilanngullugit, tak. § 22.

5) Isumaqatigiissutini atugassarititaasut pingaarutillit tamarmik.

6) Neqeroorutip suliarineranut piffissaliussatut pilersaarut, minnerpaamik neqerooruteqartitsinerup ingerlannerata nalaani neqerooruteqartumut aamma neqerooruteqartitsisumut piffissaliussanik tamanik imaqartussaq.

7) Neqeroortitsinermit atortunut apeqquteqarnissamut malittarisassat, tak. § 24.

8) Neqeroorutip tunniunnissaa pillugu piumasaqaatit, tassunga ilanngullugit aalajangiusimanninnissamut piffissaliussaq sivikinnerpaamik ulluni 30-ni.

9) Neqeroorutit tunniunnissaat pillugu ilusissatut piumasaqaataasinnaasut.

Killeqartumik neqerooruteqartitsineq

§ 14. Killeqartumik neqerooruteqartitsinermit pisinissamik nalunaaruteqartoq piareersaataasumik piukkunnartussarsiuussinermik ingerlatsissaaq, tak. § 21.

Imm. 2. Neqerooruteqarnissamut piukkunnassusiliinissami peqataatinneqarnissamut kinaluunniit qinnuteqaateqarsinnaavoq, kisiannili suliffeqarfiit neqerooruteqarsinnaasutut piukkunnassusilerneqarsimasut kisimik neqerooruteqarsinnaatitaapput.

Imm. 3. Paasissutissiinissaq siunertaralugu neqerooruteqartitsineq pillugu nalunaarummut peqatigitillugu neqeroortitsinermi atortussat tamarmiusut ilaannaaluunniit tamanut ammasumik nalunaarutigineqassanersut pisinissamik nalunaaruteqartup toqqarsinnaavaa. Taamaattorli neqeroortitsinermi atortussat tamarmiusut pisisussap piareersaataasumik piukkunnartussarsiuussinermi suliffeqarfinnut tunniutissallugit pisinissamik nalunaaruteqartoq taamaallaat pisussaaffeqarpoq.

Imm. 4. Neqerooruteqartitsinissamut nalunaarummit minnerpaamik makku takuneqarsinnaassapput:

- 1) Sullissinerup neqeroorutigineqartup naatsumik allaaserinera, salliutinneqarsinnaasut ilanngullugit.
- 2) Neqerooruteqartitseriaatsit, tak. § 12, imm. 1.
- 3) Pisisussatut nalunaaruteqartup attaviginissanut paasissutissat.
- 4) Tunniussinissamut najoqqutassat, tak. § 17, imm. 1.
- 5) Neqerooruteqartitsinissamut piareersaataasumik piukkunnartussarsiuussinissat naatsorsuutigineqartut neqerooruteqartussat amerlassusiat, tak. § 21, imm. 1.
- 6) Neqerooruteqartitsinissamut piareersaataasumik piukkunnartussarsiuussinissamik toqqaanermut piumasaqaatit pillugit qanoq ililluni paasisaqarsinnaaneq.
- 7) Neqerooruteqartitsinissamut piareersaataasumik piukkunnartussarsiuussinissamik toqqaanissami piffissaliussaq, tak. § 25.

Imm. 5. Neqerooruteqartitsinissamut piareersaataasumik piukkunnartussarsiuussinermik toqqaanermut piumasaqaatit minnerpaamik, tamanna neqerooruteqartitsinermi nalunaarummit takuneqarsinnaanngippat, makku ilaassapput:

- 1) Peqataatitaannginnermut pissutaasut, tak. §§ 18-19.
- 2) Naleqquttuunermut minnerpaamik piumasaqaatit, tak. § 20, tassunga ilanngullugit uppersaanissamut piumasaqaatit.
- 3) Toqqaanissamut najoqqutassat, tak. § 21, imm. 3.

Imm. 6. Suliffeqarfiit pisinnaasut neqerooruteqartitsinissamut piumasaqaatinut aamma neqerooruteqartitsinermut atortunut ataatsikkut periarfissinneqassapput.

Imm. 7. Neqerooruteqartitsinermi piumasaqaatini minnerpaamik, neqerooruteqartitsinerмик nalunaarummit takuneqarsinnaanngippata, makku ilaassapput:

- 1) Tunniussinissamut piumasaqaatit pingaannginnerusinnaasut aamma taakkuninnga neqerooruteqartut akunnerminni oqimaaqatigiissaarnerat, tak. § 17, imm. 4-6.
- 2) Neqerooruteqartitsinissamut piffissaliussaq, tak. § 26.
- 3) Immikkuualuttortalersuinissamut piumasaqaatit periaatsitigut immikkuualuttortalersuutaasinnaasut ilanngullugit, tak. § 22.
- 4) Isumaqaatigiissutini atugassarititaasut pingaarutillit tamarmik.
- 5) Neqeroorutip suliarineranut piffissaliussatut pilersaarut, minnerpaamik neqerooruteqartitsinerup ingerlannerata nalaani neqerooruteqartumut aamma neqerooruteqartitsisumut piffissaliussanik tamanik imaqartussaq.
- 6) Neqeroortitsinermi atortunut apeqquteqarnissamut malittarisassat, tak. § 24.
- 7) Neqeroorutip tunniunnissaa pillugu piumasaqaatit, tassunga ilanngullugit aalajangiusimanninnissamut piffissaliussaq sivikinnerpaamik ulluni 30-ini.

8) Neqeroorutip tunniunnissaa pillugu ilusissatut piumasaqaataasinnaasut.

Siumoortumik nalunaaruteqarluni isumaqatigiinniarfusumik neqerooruteqartitsineq

§ 15. Siumoortumik nalunaaruteqarluni isumaqatigiinniarfusumik neqerooruteqartitsinermi pisinissamik nalunaaruteqartoq piareersaataasumik piukkunnartussarsiuussinertalimmik neqerooruteqartitsissaaq, tak. § 21.

Imm. 2. Paasissutissiinissaq siunertaralugu neqeroortitsisarnermut nalunaarummut peqatigitillugu neqerooruteqarnermi atortussat tamaasa ilaannaaluunniit tamanut ammasumik nalunaaruteqarnissaaq pisinissamik nalunaaruteqartup toqqarsinnaavaa. Taamaattorli pisinissamik nalunaaruteqartoq neqeroortitsinermi atortussat tamarmiusut suliffeqarfinnut pisisussap piareersaataasumik piukkunnartussarsiuussinermi tunniutissallugit taamaallaat pisussaaqqeqarpoq.

Imm. 3. Tamanut ammasumik nalunaaruteqarnerup kingorna, tak. imm. 2. sullissinissatut kissaatigineqartut tunniunneqarnissaaq pillugu pisinissamik nalunaaruteqartup suliffeqarfiit pineqartut isumaqatigiinniarfiginissaaq aallartissavaa. Neqerooruteqarnissamut piareersaataasumik piukkunnartussarsiuussinermi kikkulluunniit qinnuteqaateqarsinnaapput, kisiannili pisinissamik nalunaaruteqartoq suliffeqarfinnit piareersaataasumik piukkunnartussarsiuussisimasunik taamaallaat isumaqatigiinniarfinnaavoq.

Imm. 4. Siumoortumik nalunaaruteqarluni isumaqatigiinniarfusumik neqerooruteqartitsineq pisuni ukunani taamaallaat atorineqarsinnaavoq:

- 1) pisinissamik nalunaaruteqartup pisariaqartitai aaqqiinernik pissarsiassaareersunik tulluarsarneqarnatik akuersarneqarsinnaanngippata,
- 2) isumaqatigiisummut ilaappat ilusitigut imaluunniit nutaaliornikkut aaqqiinerit,
- 3) sullissinissaaq pillugu periaatsitigut immikkuualuttortalersuutit imaluunniit piumasaqaatit atugassarititaasullu neqeroortitsinermi pappiarartat naammaginarummi eqqoqqissaartuunersut aalajangiunneqarsinnaanngippata,
- 4) tamanut ammasumik imaluunniit killeqartumik neqerooruteqartitsinermit atatillugu neqeroorutit akuerineqarsinnaanngitsut kisimik saqqummiunneqarpata, tak. § 4, imm. 6, imaluunniit neqerooruteqartitsinissamut piareersaataasumik piukkunnartussarsiuussinermi toqqaaneq pillugu noqqaaneq akuerineqarsinnaanngippat, tak. § 4, imm. 7, imaluunniit
- 5) pisiassap eqqarsaatigineqartup 1 mio. koruunit nalinganit annikinneruppat, taamaattorli nakorsaqarfimmi atortussat taakkunungalu atasutut atortussat pisiarineranut 5.000.000 kr.-t inussallugit.

Imm. 5. Neqerooruteqartitsisarneq pillugu nalunaarutip tamanut ammasumik saqqummiunneqannginnerani imm. 4-mi piumasaqaat taaneqartoq 1 arlallilluunniit naammassineqarsimanerat pillugu uppersaataatut pisinissamik nalunaaruteqartoq tunngavilersukkamik nassuiaateqassaaq.

Imm. 6. Neqerooruteqartitsinissamut nalunaarummit minnerpaamik makku allanneqarsimassapput:

- 1) Sullissinerup neqeroorutigineqartup naatsumik allaaserinera, siulliulluni neqeroorfigineqarnissamut periarfissat ilanngullugit.
- 2) Neqerooruteqartitseriaatsit, tak. § 12, imm. 1.
- 3) Isumaqatigiinniarnermi peqataaneq pillugu neqerooruteqartunut akissarsiaqartitsisoqarnerseq.

- 4) Pisinissamik nalunaaruteqartup attaviginissaa pillugu paasissutissat.
- 5) Tunniussinissamut najoqqutassaq, tak. § 17, imm. 1.
- 6) Neqerooruteqartitsinissamut piareersaataasumik piukkunnartussarsiuussinissat naatsorsuutigineqartut neqerooruteqartussat amerlassusiat, tak. § 21, imm. 1.
- 7) Piareersaataasumik piukkunnartussarsiuussinermi piumasaqaatit qanoq pissarsiarineqarsinnaanerini paasissutissat.
- 8) Piareersaataasumik piukkunnartussarsiuussinermik toqqaanissami noqqaanissamut piffissaliussaq, tak. § 25.

Imm. 7. Piareersaataasumik piukkunnartussarsiuussinermi toqqaanermut piumasaqaatit minnerpaamik, tamanna neqerooruteqartitsinermi nalunaarummit takuneqarsinnaanngippat, makku ilaassapput:

- 1) Peqataatitaannginnermut pissutaasut, tak. §§ 18-19.
- 2) Naleqquttuunermut piumasaqaatit minnerpaaffii, tak. § 20, tassunga ilanngullugit uppersaanaissamut piumasaqaatit.
- 3) Toqqaanissamut najoqqutassat, tak. § 21, imm. 3.

Imm. 8. Piareersaataasumik piukkunnartussarsiuussinermi suliffeqarfiit neqerooruteqartitsinissamut piumasaqaatinut aamma neqerooruteqartitsinermut atortunut isernissamut ataatsikkut periarfissinneqassapput.

Imm. 9. Neqerooruteqartitsinermi piumasaqaatini minnerpaamik, neqerooruteqartitsinermik nalunaarummit takuneqarsinnaanngippata, uku ilaassapput:

- 1) Tunniussinissamut piumasaqaatit pingaannginnerusinnaasut aamma taakkuninnga neqerooruteqartut akunnerminni oqimaqatigiissaarnerat, tak. § 17, imm. 3-5.
- 2) Immikkuualuttortalersuinissamut piumasaqaatit periaatsitigut immikkuualuttortalersuutaasinnaasut ilanngullugit, tak. § 22.
- 3) Isumaqaatigiissutini atugassarititaasut pingaarutillit tamarmik.
- 4) Neqeroorutip suliarineranut piffissaliussatut pilersaarut, minnerpaamik neqerooruteqartitsinerup ingerlannerata nalaani neqerooruteqartumut aamma neqerooruteqartitsisumut piffissaliussanik tamanik imaqartussaq.
- 5) Neqeroortitsinermi atortunut apeqquteqarnissamut malittarisassat, tak. § 24.
- 6) Neqeroorutip tunniunnissaa pillugu piumasaqaatit, tassunga ilanngullugit aalajangiusimanninnissamut piffissaliussaq sivikinnerpaamik ulluni 30-ni.
- 7) Neqeroorutip tunniunnissaa pillugu ilusissatut piumasaqaataasinnaasut.
- 8) Isumaqaatigiinniarnepup ingerlanerata allaaserinera, tassunga ilanngullugit:
 - a) Inaarutaasumik neqeroorutip tunniutinnginneranni isumaqaatigiinniarnepup qassit ingerlanneqassanersut.
 - b) Peqataasut amerlassusiat neqeroorutip ingerlanerani ikilisinneqassanersut.
 - c) Neqerooruteqartitsinerup kingusinnerpaamik tunniunneqarnissaa pillugu inaarutaasumik piffissaliussaq.
 - d) Isumaqaatigiinniarnepup ingerlanerani aallarnersaataasumik neqeroorutip tunniunneqarnissaa piumasaqaataappat tamannalu tunngavigalugu isumaqaatigiissutip tunniunnissaanut pisinissamik nalunaaruteqartoq pisinnaatitaanerminik isumaqarpat.

Siumoortumik nalunaarutigineqanngitsumik isumaqaatigiinniarnepup neqerooruteqartitsineq

§ 16. Siumoortumik nalunaarutigineqanngitsumik isumaqatigiinniartusumik neqerooruteqartitsinermit sullissinerup kissaatigineqartup tunniunneqarnissaa pillugu isumaqatigiinniarterit aallartinneqarnissaat siunertaralugu pisinissamik nalunaaruteqartoq suliffeqarfimmut 1-imut arlalinnulluunniit toqqaannartumik saaffiginnissaaq.

Imm. 2. Siumoortumik nalunaaruteqanngitsumik isumaqatigiinniartusumik neqerooruteqartitsineq taamaallaat pisuni tulluuttumi allanneqartuni atorineqarsinnaavoq:

- 1) siusinnerusukkut tamanut ammasumik imaluunniit killeqartumik neqerooruteqartitsinermit atatillugu neqeroorutit akuerineqarsinnaanngitsut kisimik saqqummiunneqarsimappata, tak. § 4, imm. 6, imaluunniit piareersaataasumik piukkunnartussarsiuussinermit piumasaqaatit akuerineqarsinnaanngippata, tak. § 4, imm. 7. Tamatumani naatsorsuutigineqarpoq suliffeqarfiit piukkunnartussarsiornermit peqataajumasimasut, imaluunniit neqerooruteqarsimasut, § 18 peqataatinneqannginnissamik pissutaasunut attuumassuteqanngitsut, tamakkerlutik isumaqatigiinniarnernut peqataaqquneqassasut, aammalu neqerooruteqartitsinermit atorussat aallaqqaammulli atorineqartut tunngaviusumik imarisaat allanngortinneqassanngitsut,
- 2) pilersuisup taarsernera annertuumik akisuallaartumik aningaasartuuteqarnermik, teknikkikkut ataqatigiinnginnermik imaluunniit ingerlatsinermit aserfallatsaaliinnermilu teknikkikkut annertuallaanik ajornartorsiutinik kinguneqassapat siusinnerusukkut pilersuisutut atorsimasamiit pilersuinerit ilassuteqarneri tamatumani pineqarput, taamaattorli takuuk imm. 7,
- 3) pilersuisup ataasiinnaap kiffartuussineq kissaatigineqartoq tunniussinnaappagu, taamaattorli takuuk imm. 7,
- 4) pisut neqerooruteqartitsisup naatsorsuutigereersimasinnaanngisai pissutigalugit tamanut ammasumik neqerooruteqartitsinermit, killilimmik neqerooruteqartitsinermit imaluunniit siumoortumik nalunaaruteqarnikkut isumaqatiginninniarnikkut neqerooruteqartitsinermit piffissaliussat malinnissaat ajornarpat, aammalu taamaattoqarpat allatut ajornavinnera naapertorlugu, imaluunniit
- 5) pisiariniakkap nalinga 1 million kr.-nit annikinneruppat, taamaattorli nakorsaqaarfimmi atorussat taakkunungalugu atasutut atorussat pisiarineranut 5.000.000 kr.-t inussallugit.

Imm. 3. Piumasaqaat imm. 2-mi taaneqartoq 1 arlalilluunniit naammassineqarsimanerat pillugu uppersaasatitut pisinissamik nalunaaruteqartoq suliffeqarfimmut saaffiginninnginnermini tunngavilersukkamik nassuiaasiussaaq.

Imm. 4. Imm. 2, nr. 4 aamma nr. 5-mi pisuni taaneqartuni pisinissamik nalunaaruteqartup isumaqatigiinniartermit peqataanissamut suliffeqarfiit ikinnerpaamik marluk aggersassavai.

Imm. 5. Suliffeqarfiit peqataaqquneqarsimasut neqerooruteqartitsinissamut piumasaqaatinut aamma neqerooruteqartitsinermit atorunut ataatsikkut periarfissinneqassapput.

Imm. 6. Neqerooruteqartitsinermit piumasaqaatini makku minnerpaamik ilanngunneqarsimassapput:

- 1) Tunniussinissamut najoqqutassat aamma najoqqutassat allat kiisalu taakku akunnerminni oqimaalutarsimanissaat, tak. § 17.
- 2) Immikkuualuttortalersuinissamut piumasaqaatit periaatsitigut immikkuualuttortalersuutaasinnaasut ilanngullugit, tak. § 22.
- 3) Isumaqatigiissutini atugassarititaasut pingaarutillit tamarmik.
- 4) Neqeroorutip suliarineranut piffissaliussatut pilersaarut, minnerpaamik neqerooruteqartitsinerup ingerlannerata nalaani neqerooruteqartumut aamma neqerooruteqartitsisumut piffissaliussanik tamanik

imaqartussaq.

5) Neqeroortitsinermit atorunut apeqquteqarnissamut malittarisassat, tak. § 24.

6) Neqeroorutip tunniunnissaa pillugu piumasaqaatit, tassunga ilanngullugit aalajangiusimanninnissamut piffissaliussaq sivikinnerpaamik ulluni 30-ni.

7) Neqeroorutip tunniunnissaa pillugu ilusissatut piumasaqaataasinnaasut.

8) Isumaqaatigiinniarnertup ingerlannerata allaaserinera, tassunga ilanngullugit:

a) Inaarutaasumik neqeroorutip tunniunnissaanut isumaqaatigiinniarnertit qassit inger-lanneqassanersut.

b) Neqerooruteqartitsinerup nalaani peqataasut ikilisinneqassanersut.

c) Neqeroorutip tunniunnissaanut inaarutaasumik piffissaliussaq.

d) Isumaqaatigiinniarnertit ingerlannerat aallarniutaasumik neqeroorummik tunniussisoqarnissaanik kinguneqassappat tamanna tunngavigalugu pisinissamut nalunaaruteqartoq isumaqaatigiisummik tunineqarnissamut nangaassuteqassanersoq.

Imm. 7. Imm. 6 pisuni imm. 2, nr. 2 aamma nr. 3-mi taaneqartuni atorineqassanngillat.

Tunniussinissamut najoqqutassat

§ 17. Akilersinnaanerpaamik neqerooruteqartoq pisinissamik nalunaaruteqartup isumaqaatigiissusiorfiggissavaa. Neqeroorutit akilersinnaanerpaat tunngavissat tulluuttut arlaat ataaseq tunngavigalugu naliliivigineqassapput:

1) Appasinnerpaamik akilik, tak. imm. 2.

2) Appasinnerpaamik aningaasartuutilik, tak. imm. 3.

3) Akit pitsaassutsillu akornanni pitsaanerpaamik naleqqiussineq, tak. imm. 4.

Imm. 2. Tunniussinissamut piumasaqaammi "appasinnerpaamik akilik" atorineqarnerani pisiarinninnermi akia tamarmiusoq taamaallaat pingaartinneqassaaq.

Imm. 3. Tunniussinissamut najoqqutassap "aningaasartuutit appasinnerpaat" atorineqarnerani pisiarinnerani akigititap saniatigut aningaasartuuteqariaatsit tamaasa pisisussap ilannguttariaqarpai, assersuutigalugit aserfallatsaaliinnermut aningaasartuutit.

Imm. 4. Tunniussinissamut piumasaqaammi "akit pitsaassutsillu akornanni pitsaanerpaamik naleqqiussinerup" atorineqarnerani assersuutigalugit aningaasartuutit saniatigut pitsaassutsikkut najoqqutassat tullinnguuttut pingaartinneqarsinnaapput:

1) Pitsaassuseq, tassunga ilanngullugu atornera, kusanassusia, ilusaa aamma tassunga atasut sullissinerit.

2) Sulinerup aaqqissugaanera, tassunga ilanngullugit sulisuni suliamik ingerlataqartussani piukkunnaatit misilittakkallu.

3) Tunniussinissamut piumasaqaatit, tassunga ilanngullugu tunniussinissamut piffissaliussaq.

4) Inuiaqaatigiinni akisussaaffeqarneq, tassunga ilanngullugit najukkamiiginnarnissaq, ilinniartussanik, ilinniartissanik imaluunniit suliatigut misiliffissanik pilersitsineq, katataasimasunik sulititsineq, peqqinnissakkut siuarsaaneq, avatangiisini pissutsit aamma piujuartitsinnaaneq.

Imm. 5. Piumasaqaatit allat pisinissamik nalunaaruteqartup aalajangersagai, sullissinnermut neqeroorutigineqartumut attuumassuteqassapput. Najoqqutassat allat aalajangersarneqassapput naleqquttuutitsinissamullu periaatsinut naapertuuttumik oqimaalutarneqassallutik, tak. § 7, tunniussinissamut najoqqutassatut toqqarneqartumut sanilliullugu neqeroorummik ajugaasumut naapertuutissapput piukkunnartuussallutillu.

Imm. 6. Najoqqutassat immikkoortuisa ilaat najoqqutassanut allanut atorneqassappata, najoqqutassat immikkoortuisa ilaasa akornanni oqimaalutaassutaasinnaasut taaneqassapput.

Imm. 7. Pisinissamik nalunaaruteqartoq neqeroorutiniq naliliinermini pingaarnersiuiineq tunniunneqarsimasoq naapertorlugu piumasaqaatit tamaasa ilanngutissallugit pisussaataitaavoq. Neqeroortitsisarnermut nalunaarummi imaluunniit neqeroortitsisarnermut piumasaqaatini pisisussap aalajangersarsimasaaningarnit najoqqutassat pingaannginnerit allat pisisussap pingaarnertissanngilai.

Peqataanissamut mattunneqarneq

§ 18. Pisinissamik nalunaaruteqartup, suliffeqarfik imaluunniit tassani siulersuisuni ilaasortat imaluunniit pisortaaneqarfik ukiut kingulliit 4 ingerlaneranni makkununga eqqartuunneqarsimappata suliffeqarfik neqerooruteqartitsinermit peqataatissanngilaa:

- 1) Akiliilluni pinerluuteqarneq, peqquserlunneq imaluunniit niuernikkut unammilleqatigiinnermik annikillitsitsumik ingerlataqarneq.
- 2) Aaqqissuussaasumik pinerlunniatigiinnut peqataaneq.
- 3) Peqqarniisaarnernut imaluunniit peqqarniisaarnernut atatillugu pineqaatissiissutigineqarsinnaasumik, iliuuseqarsimanerit.
- 4) Aningaasanik peqquserlunnikkut pissarsiarisimasaniq malunnarunnaarsaaneq imaluunniit peqqarniisaarniartarnernut aningaassaliissuteqartarneq.
- 5) Meeqqanik sulisitsineq imaluunniit inunnik niueruteqarneq.

§ 19. Pisinissamik nalunaaruteqartup suliffeqarfik neqeroortitsinermit peqataatinngitsoorsinnaavaa, suliffeqarfik:

- 1) akiliisinnaajunnaarsinnaasutut suliarineqarpat, akiliisinnaassuseqanngitsutut imaluunniit atorunnaartussatut suliarineqarpat taamaaqataanilluunniit inissisimappat,
- 2) inuussutissarsiutigisami aallunnerata nalaani ukiut kingulliit pingasut ingerlaneranni annertuunik sumiginnaasarsimappat, tassunga ilanngullugit pisinissamik nalunaaruteqartumut imaluunniit pisortatut oqartussaasunut isumaqatigiisummik pisisussatut nalunaaruteqartup malitasaanik taassumaluunniit ilaanik eqqortitsisimanngippat ima annertussusilimmik, allaat isumaqatigiissutip pineqartup atorunnaarsinneqarneranik kinguneqartumik,
- 3) pisinissamik nalunaaruteqartup imaluunniit pisortatut oqartussaasup neqeroorutaanut pisisussap malitasaanut malitassaasaluunniit ilaannut atatillugu ukiut kingulliit pingasut ingerlaneranni paasissutissanik eqqortuunngitsunik piaaraluni tunniussaqaqtarsimappat, imaluunniit
- 4) Kalaallit Nunaanni nunamiluunniit suliffeqarfiup pilersinneqarfigisimasaani akileraarutiniq akitsuutinillu akiitsunik akileqquneqartunik 100.000. kr.-t sinnerlugit nalilinnik akiliisimanngippat.

Imm. 2. Suliffeqarfiup imm. 1, nr. 4-mi pineqartup peqataatinneqannginnissaa aalajangiunneqarpat pisinissamik nalunaaruteqartup oqaatigisinnaavaa suliffeqarfik taamatut pineqartoq mattunneqassanngitsoq, ima pisoqarpat:

- 1) neqeroortitsinermit peqataasut tamarmik imm. 1, nr. 4-mi nassuiarneqartutut pisortanut akiitsoqarpat,
- 2) suliffeqarfik 100.000 kr.-t sinnerlugit akiitsut ilaannut qularnaveeqqusiisimappat, imaluunniit
- 3) suliffeqarfik akiitsut akilernerqarnissaat pillugu isumaqatigiissuteqarpat isumaqatigiisummillu taassuminnga eqquutitsippat.

Piukkunnassusermut piumasaqaatit minnerpaaffissaat

§ 20. Suliffeqarfiit neqerooruteqarusuttut qulakkeerneqarnissaat siunertaralugu piukkunnassusissamut piumasaqaatissat minnerpaaffissaannik pisinissamik nalunaaruteqartoq aalajangersaasinnaavoq:

- 1) inuussutissarsiutip neqeroorutigineqartup ingerlannissaanut piukkunnassuseqarpata, aamma
- 2) neqeroorutitut isumaqatigiissutip piviusunngortinnissaanut aningaasaqarnikkut kiisalu periaatsitigut suliatigullu paasisimasaqarnissamut pisinnaassuseqarpat.

Imm. 2. Tassunga atatillugu, tak. imm. 1, piukkunnassusissamut piumasaqaatit minnerpaaffissaasa naammassineqarsimanerat suliffeqarfiit qanoq iliorlutik uppersaasissaneraat pisinissamik nalunaaruteqartup aalajangersassavaa.

Imm. 3. Piukkunnassusissamut piumasaqaat minnerpaaffissaat § 7 naapertorlugu aalajangersarneqassaaq.

Imm. 4. Inuussutissarsiutip neqeroorutigineqartup ingerlannissaanut piukkunnassuseqarnermut tunngatillugu minnerpaaffissatut piumasaqaatit tassaasinnaapput:

- 1) Niuerneq imaluunniit inuussutissarsiorneq pillugu nalunaarsuiffinni attuumassuteqartuni ilanngunneqarneq.
- 2) Akuersissutit attuumassuteqartut.
- 3) Inatsisit malillugit sillimmasiinerit pisussaaffiusut.

Imm. 5. Aningaasaqarnikkut pisinnaasassat pillugit minnerpaaffissatut piumasaqaatit annerpaamik tassaasinnaapput ukiuni pingasuni kingullerni naatsorsuutitigut angusimasat. Piumasaqaatit makkununga tunngasuusinnaapput:

- 1) Kaaviiartitat.
- 2) Aningaasaqarnikkut patajaassuseq.
- 3) Sinneqartoorsinnaassuseqarneq
- 4) Nammineq aningaasaatit ajunngitsumik inernillit.

Imm. 6. Teknikkikkut suliatigullu piginnaasanut minnerpaamik piumasaqaatit makkununga tunngasuusinnaapput:

- 1) Neqeroorutigineqartut assinginiq pilersuinissamik misilittagaqarneq.
- 2) Sulisut amerlassusiat.
- 3) Sulisut pingaarutillit piginnaasaqarfigisaat.
- 4) Atortut, sakkut, teknikkikkut atortut, assigisaallu.
- 5) Pitsaassutsinik avatangiisitigullu aqutsineq.
- 6) Nioqqutissanut misiligutit.

Piukkunnartorsiuiineq

§ 21. Killeqartumik neqerooruteqartitsineri tak. § 14, aamma nalunaaruteqareernikkut isumaqatiginninniarnertalimmik neqerooruteqarnermi, tak. § 15, suliffeqarfiit qassit pisinissamik nalunaaruteqartup piukkunnartorsiuiineri ilaatinniagai qassiussanersut pisinissamik nalunaaruteqartup aalajangersassavai. Taakku amerlassusissaat akunnequtitut allanneqarsinnaavoq, tamatigulli ikinnerpaamik 3.

Imm. 2. Pisinissamik nalunaaruteqartoq pisussaaffeqarpoq §§ 18-20 naapertorlugit piumasaqaatinik naammassinnissimasut taamaallaat qinnuteqartut piukkunnartorsiussallugit, aamma taaneqartunit taakku ikinnerugaluarpataluunniit. Taaneqartunit amerlanerusut pisinissamik nalunaaruteqartup piareersaataasumik piukkunnartussarsiuussinnermi peqataatissinnaanngilai.

Imm. 3. Piukkunnartorsiuerimi suliffeqarfiit amerlanerusut §§ 18-20 naapertorlugit piumasaqaatinik naammassinnissimappata najoqqutassat sorliit malillugit suliffeqarfiit toqqartorneqarnissaat pillugu piukkunnartorsiuerimi piumasaqaatit pisinissamik nalunaaruteqartup aalajangersassavai.

Imm. 4. Neqerooruteqartitsinerimi piukkunnartorsiuerimi qinnuteqaateqartoq qinnuteqaateqarsimasutut itigartinneqarsimasoq pisinissamik nalunaaruteqartup nutaamik ilanngutissinnaavaa, suliffeqarfik neqerooruteqarnissamut piukkunnartorsiuerimi peqataajunnaartutut nalunaaruteqarsimappat. Tassanili piumasaqaatigineqarpoq qinnuteqartutut tunuartitaasup §§ 18-20 naapertorlugit piumasaqaatit naammassisimassagai.

Teknikikkut nalunaarsuinerit

§ 22. Piumasaqaatit nalunaarsornerini teknikikkut nalunaarsuinerit naalagaaffimmi imaluunniit nunani tamalaani assigiiaarinissat sulinissap ilusissaanut piumasaqaatit innersuussutilluunniit atuuttut malillugit sapinngisamik annertunerpaamik aalajangersarneqassapput.

Imm. 2. Nioqqutissat sumi aalajangersimasumik aallaaveqarnersut immikkuulluunniit ilisarnaateqarnersut imaluunniit sumi sanaajunersut pillugit piumasaqaateqartoqassanngilaq.

Imm. 3. Periaatsini imm. 1-mi taaneqartuni naammaginantumik eqqortuussusilimmik sullissinissaq nassuiaaserneqarsinnaanngikkaangat, malittarisassat avaqqullugit immikkuualuttortalersuutit imm. 2-mi pineqartut innersuussutigineqarsinnaapput, tassanili piumasaqaataavoq innersuussut pineqartoq "taamaaqataannilluunniit" pillugu oqaasertalersuutigineqartartumik malitseqartitsineq.

Imm. 4. Imm. 1-3-mi aalajangersakkat ajornartinngilaat, sullissinissap pineqartup nioqqutissanut imaluunniit aaqqiissutissanut pioreersunut ataqatigiississinnaanissaat pisiassamik nalunaaruteqartup piumasaqaateqarfigissappagit, tassani ilanngullugu IT-mi hardware imaluunniit software pisiarinerini.

Neqeroorutip tamanut saqqummiunneqarnera

§ 23. Neqerooruteqartitsinerit tamarmik, taamaattorli siumoortumik nalunaarutigineqanngitsumik isumaqatigiinniarfusumik neqerooruteqartitsinerit ilanngunnagit, neqerooruteqartitsinerit nalunaarutigineri tamanut ammasumut nalunaarutigalugit tusagassiarineqartarput pisortat neqerooruteqartitsinerinik nittartagaanni. Aammattaaq Kalaallit Nunaanni nunaniluunniit allani tusagassiorfiit allat aqutigalugit neqeroorut ataatsikkut imaluunniit kingorna piseqqusaarutigineqassanersoq pisinissamik nalunaaruteqartup toqqarsinnaavaa.

Imm. 2. Siumoortumik nalunaarummi pisortat neqerooruteqartitsisarnermik nittartagaani tamanut ammasumik nalunaarutigineqartussami neqeroorutip imm. 1-mi pineqartup ingerlanneqarnissaanik siunertaqarnini pisinissamik neqerooruteqartup sapinngisamik oqaatigissavaa neqerooruteqarnissamik nalunaarutip tamanut tusarliunneqarnissaa sivikinnerpaamik sapaatit akunnerinik 4-nik sioqqullugu.

Neqerooruteqartitsinerup nalaani apeqqutit saqqummiunneqartut

§ 24. Neqerooruteqartitsineq pillugu atortusanut apeqqutissat pisinissamik nalunaaruteqartumut apeqqutigineqassapput neqerooruteqartitsineq pillugu atortuni naammaginatsumik piffissalerlugu – neqeroortitsinermi killigitatut aalajangigaq sioqqullugu.

Imm. 2. Neqerooruteqartitsinermi atortut pillugit apeqqutit tamarmik allaganngorlugit saqqummiunneqarnissat pillugu neqerooruteqartitsinermik piumasaqaatini pisinissamik nalunaaruteqartup qinnutigissavaa.

Imm. 3. Apeqqutit piffissarititaasoq eqqorlugu tiguneqartut, tak. imm. 1, neqerooruteqartitsineq pillugu atortuni naammaginatsumik piffissalerlugu neqeroortitsinermi killigitatut aalajangigaq sioqqullugu pisinissamik nalunaaruteqartup akereersimassavai. Taamaakkaluartoq apeqqutigineqartoq aatsaat siullermeerutaasumik iluseqartillugu saqqummiunneqartoq piffissaatillugu saqqummiunneqarsimanngitsoq neqeroortitsinerup kingusinnerpaamik piffissaliussap naannginnerata tungaanut pisinissamik nalunaaruteqartup akissuteqarfigisinnaavaa.

Imm. 4. Tak. imm. 3, pisinissamik nalunaaruteqartup apeqqutini akissuteqarnissaa pissaaq allakkatigut aamma kinaassutsumik isertuussinikkut apeqqutit akissutaa ilanngullugu pisortat neqerooruteqartitsisarnermik nittartagaani allaganngorlugit pissarsiarineqarsinnaatinneratigut imaluunniit suliffeqarfinnut neqeroortitsinermi peqataatinneqartunut tamanut ataatsikkut e-mail aqqutigalugu saqqummiussinikkut.

Piffissaliussat

§ 25. Killeqartumik neqerooruteqartitsinermi aamma siumoortumik nalunaaruteqarluni isumaqatigiinniarfiusumik neqerooruteqartitsinermi piareersaataasumik piukkunnartussarsiuussinermi piffissaliussaq uppersaanissamut piumasaqaatinut aalajangersarneqartunut naammaginatsumik naapertuutissapput, minnerpaamillu tamatigut nalunaarutit tamanut saqqummiunneqarneranit ullorsiutini ullut 14-it kingorna.

Imm. 2. Neqeroortitsinermi atortuni neqerooruteqartitsisoq annertuunik allannguuteqartitsissappat qinnuteqaatit tigusissaannut piffissaliussap sivitsornissaanut neqeroortitsisoq pisussaaffeqarpoq.

§ 26. Tamanut neqerooruteqartitsinermi aamma killeqartumik neqerooruteqartitsinermi neqerooruteqartitsinissamut piffissaliussaq kiffartuussinermit neqeroortigineqartunut naleqqiullugu naammaginatsumissaaq:

- 1) Tamanut ammasutut neqeroortitsinerneq neqerooruteqartitsinermit nalunaarutit tamanut saqqummiunneranit ullorsiutini ullut 14-it.
- 2) Killilimmik neqeroortitsinerneq neqerooruteqartitsinermit atortussat tamanut saqqummiunnerannit ullorsiutini ullut 14-it.

Imm. 2. Neqeroortitsinermi atortuni neqerooruteqartitsisoq annertuunik allannguuteqartitsissappat qinnuteqaatit tigusissaannut piffissaliussap sivitsornissaanut neqeroortitsisoq pisussaaffeqarpoq.

Kapitali 7

Qinnuteqartunut neqerooruteqartunullu il.il. nalunaarutit

Piukkunnartorsiuneq tunniussinerlu pillugit nalunaarutit

§ 27. Killeqartumik neqerooruteqartitsinermi imaluunniit siumoortumik nalunaarutigineqartumik isumaqatigiinniarfusumik neqerooruteqartitsinermi piukkunnartorsiunerup inernera pillugu pisinissamik nalunaaruteqartoq allakkatigut qinnuteqaateqartunut tamanut ataatsikkut nalunaaruteqassaaq.

Imm. 2. Qinnuteqartut itigartinneqartut eqqarsaatigalugit nalunaarut itigartitsinermut tunngavilersuummik imaqassaaq.

§ 28. Tunniussinissamik aalajangerneq pillugu pisinissamik nalunaaruteqartup neqerooruteqartunut ataatsikkut allakkatigut nalunaaruteqarnissaa pillugu aalajangersagaq neqerooruteqartitseriaatsinut tamanut atuuppoq, taamaattoorli tak. imm. 3.

Imm. 2. Neqerooruteqartunut itigartitaasunut tunngatillugu itigartitsineq pillugu tunngavilersuummik nalunaarut imaqassaaq.

Imm. 3. §§ 18-20 naapertorlugit piumasaqaatinik naammassinnissimanermik uppersaasiisimanginnerup kingunerisaanik tamanut ammasumik neqerooruteqartitsinermi itigartitaasut mattunneqartulluunniit, neqerooruteqartunut allanut sanilliullugit itigartitaaneq mattunneqarnerluunniit pillugit siusinnerusukkut nalunaarfigineqarsinnaapput.

Imm. 4. Imm. 1 najoqqutaralugu tunniussinermi aalajangiussinerup kingornatigut pisortat neqerooruteqartitsinermik nittartagaanni neqerooruteqartitsisoq tamanut saqqummiussaqaassaaq.

Neqeroorummik atorunnaarsitsineq

§ 29. Suliatigut paasisimasaqassuseq tunngavigalugu pisinissamik nalunaaruteqartoq neqeroorutigineqartumik atorunnaarsitsisinnaavoq, tassunga ilanngullugu ima pisoqarpat:

- 1) neqerooruteqartitsinermi atortussani imaluunniit neqeroortitsinerup ingerlanneqarnerani annertuunik kukkusoqarsimappat,
- 2) aningaasaliinnermut pissutsit pissutigalugit pisinissamik nalunaaruteqartoq isumaqatigiissuteqarsinnaanngippat,
- 3) aaqqiissutissap neqeroorutigineqartup pissusissamisuunnginnera pisinissamik nalunaaruteqartup ilisimalerpagu, imaluunniit
- 4) neqeroorutit akuerineqarsinnaanngitsut pisinissamut nalunaaruteqartup kisiisa tigusiappagit, tak. § 4, imm. 6 imaluunniit piukkunnartorsiunermi qinnuteqaatit akuerineqarsinnaanngitsut kisiisa tigusiappagit, tak. § 4, imm. 7.

Imm. 2. Atorunnaarsitsineq tamatumunngalu tunngavilersuutit pillugit piukkunnartorsiunermi qinnuteqaateqarsimasut imaluunniit neqeroorummik tunniussaqaarsimasut tamaasa atorunnaarsitsinissamik aalajangeereernermit kingusinnerpaamik ullut nalinginnaasut 3-t qaangiunneranni piaarnerpaamillu pisinissamik nalunaaruteqartoq ilisimatitsissaaq.

Imm. 3. Atorunnaarsitsineq pisinissamik nalunaaruteqartup nutaamik neqeroortitsinissaanut aporfussanngilaq. Nutaamik neqeroortitsinermi neqeroortitsinissamut piumasaqaatinut allatulluunniit siusinnerusukkut neqeroortitsinernit pisinissamik nalunaaruteqartoq pinngitsoorani malinnittussaataaangilaq uani ilanngunnagit pisut § 16, imm. 2, nr. 1-imi taaneqartut.

Kapitali 8

Isumaqatigiissutinik agguataarisarnerit

§ 30. Neqeroortitsisoq ataatsimoorussamik isumaqatigiissutip neqeroorutigineranut taarsiullugu immikkoortukkuutaanik isumaqatigiissutit ilaannik neqerooruteqarsinnaavoq.

Imm. 2. Neqeroortitsisoq immikkoortukkuutaanik isumaqatigiissutit ilaannik neqeroortitsinngippat tamanna pillugu neqeroortitsinermut atortussani neqeroortitsisoq ilisimatitsissaaq.

Imm. 3. Neqeroortitsisoq neqeroortitsinermut nalunaarummi makkuninnga nalunaarissaaq:

- 1) neqerooruteqartoq isumaqatigiissutip ilaannik 1-imik, amerlanernik, imaluunniit tamanik neqerooruteqarsinnaanersoq,
- 2) neqerooruteqartoq isumaqatigiissutip ilaannik 1-imik, amerlanernik imaluunniit tamanik tunineqarsinnaanersoq, taamatullu pisoqassappat isumaqatigiissutit ilaat, imaluunniit isumaqatigiissutit ilaat katersat qanoq ilillutik ataqatigiississinnaaneri, aamma
- 3) najoqqutassiat imaluunniit malittarisassat kinaassusersiunngitsut aamma assigiinngisitsiunngitsut isumaqatigiissutit ilaannik tunniussinermut aalajangiisuunersut, neqerooruteqartup amerlanerpaatut pissarsiarisinnaasaanut naleqqiullugit najoqqutassiat imaluunniit malittarisassiat neqerooruteqartup isumaqatigiissutit ilaannik amerlanernik pissarsinissaanik kinguneqassagaluarpata isumaqatigiissutit ilaat qanoq tuniunneqartarnerat ilanngullugu.

Kapitali 9

Naammagittaalliuuteqarsinnaatitaaneq aamma atuutilerana

§ 31. Inatsisartut inatsisaanni matumani aalajangersakkanik unioqqutitsineq pillugu naammagittaalliuutit Pisortat Pisiortartarneranni Neqerooruteqartitsinermi Maalaaruteqartarfiannut suliaakkiissutigineqarsinnaapput Pisortat Pisiortartarneranni Neqerooruteqartitsinermi Maalaaruteqartarfiat pillugu Inatsisartut inatsisaanni aalajangersakkat tamanna pillugu aalajangersarneqarsimasut naapertorlugit.

§ 32. Inatsisartut inatsisaat ulloq 1. juli 2019 atuutilerpoq.

Imm. 2 Inatsisartut inatsisaat inatsisip atuutilernerata kingornatigut neqeroortitsinernut atuutissaaq.

Namminersorlutik Oqartussat, ulloq 12. juni 2019

Kim Kielsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut